

բոլորովին կը մերկացւի: Առաջին կորսուան էլ մեծ մասով սկսել է շարժել դէպի թիկունք. ես վախենում եմ, որ կորսուաի վերջին գորամասերը կը թողնեն Երզնկան նշանակած ժամանակից առաջ: Եւ մեր գորամասերի հեռացումը այս կէտից և գրաւումը քիւրդերից ճակատագրական կերպով առաջ կը բերեն գինադադարի խախտում թիւրքերի կողմից և ընդհանուր յառաջխաղացում ամբողջ ճակատում: Կասկածից վեր է, որ Երզնկայի շրջանի թիւրքական գրաւման հետեւանքը կը լինի այն, որ մենք կը պարպենք ամբողջ արեւմտեան ռազմաճակատը: Թուրքեստանեան շրջ կորսուար և կովկասեան Ծրդ կորսուար նոյնպէս ճակատից մեկնելու հարց են յարուցել: Մեր գորքերի հեռանալը արեւմտեան ճակատից, աչքի առաջ ունենալով կովկասեան բանակի ներկայ վիճակը, անխուսափելի կերպով առաջ կը բերէ մեր գրաւած թիւրք հողամասերի պարսկումը: Ուրիշ խօսքով, Երզնկայի շրջանի պարսկումը հաւասար է ամբողջ թիւրքահայաստանի պարսկումին, այսինքն՝ նշանակում է կորցնել այն ամենը, որ մենք ձեռք ենք բերել թիւրքիայի դէմ մղած երեքամեայ յաղթական կռիւներով: Այս պարագան իրաւունք է տալիս ինձ մի անգամ ևս խնդրելու, որ շտապով ուղարկէք Հայկական գորամասեր, որոնք հնարաւոր կը դարձնեն կայունացնել մեր դրութիւնը»:

Յունւ. 10-ին Ալաշկերտի կոմիսար Գվոզդեովը Ալեքսանդրասովի քաղաքադուրիս Ա. Սատիսեանին, ուղիղ հեռագրաթելով, հետեւեալ ձևով է պատկերացնում կացութիւնը. «Ղարաքիլիսան թողնում է թշնամու յարձակումից առաջ դատարկած քաղաքի տպաւորութիւն: Ճակատից հեռացող Վերջին գունդը իր հետ տանում է շրջանի բոլոր հիմնարկութիւնները, անգամ փոստն ու հեռագիրը: Հրամանատարական կազմ չկայ. կան միայն 150 անկանոն ձիաւորներ. տեղական բնակչութիւնն է պահում պարէնի պահեստները, զինւորական գոյքերը, հրետանու, ինժեներական և ռազմամթերքի պահեստներն ու վառօդարանները: Ճանապարհների կայանները վերացւած են: Դժւարութեամբ, մեր տեղական ուժերով պահում է հեռադրական կապը: Կոմիսարիատն ընդունել է Զրդ կորսուաի և հասարակական հիմնարկութիւնների անհաշիւ գոյքը: Միայն ձիեր ընդունւած են մի քանի հազար հատ: Մենք անգոր ենք տեղաւորել թողնւած հարստութիւնները: Սխտ վախենում ենք արիւնոտ ընդհարումներից և աւաղակութիւններից: Քիւրդերն սկսեցին իրենց յարձակումներն ու թալանները գիւղերի, պահակախմբերի և Մակուի երկաթուղու վրա, որը հազիւ շնչում է: Հեռագրական հաղորդակցութիւնը Երեւանի հետ կտրւած է»:

Չորրորդ կորսուաի հրամանատարը հեռագրում է յունւ. 13-ին. «Կորսուաի փոխադրական մասերը, կայանների գորքերը, զինւորները, հիմնարկութիւնները հեռանում են անկարգ կերպով: Անկարգութիւնները սաստկանում են օրէց օր: Հայկական գորամասերը ուժասպառւած են հիմնարկութիւնների և կայանների պահակութիւնից: Առանց թիկունքից թարմ ուժերի առաքման կարելի չէ պատասխանատու լինել հետեւանքների համար»:

«Ռուս զինւորները ահաբեկում են տեղացիներին (հայերին) և բռնութեամբ ստիպում հեռանալ իրենց հետ», հեռագրում է կովկասեան բանակի սպայակոյտը:

Յունւ. 16-ին սպայակոյտից գրում են գոր. Նազարբէգեանին. «Ճակատի դրութիւնը ողբերգական է. ամբացւած շրջանների լքումը առաջ է բերում առանձնապէս ողբալի կացութիւն և ինձ հարկադրում է տալ հետեւեալ հրահանգները ամբուլութիւնների պետերին. «Կովկասեան բանակի գլխաւոր հրամանատարը հրամայում է ձեզ, որ, աչքի առաջ ունենալով